

續修廬州府志

續修廬州府志

序

職名

凡例

目錄



230.11
139

部三十四卷

續修廬州府志

光緒十一年季冬

續修廬州府志

續

中興

廬陽為淮南重鎮皖北名區地
絡連延人文蔚起稽古得七賢
之傳郡名特冠以廬江
列五等之封軍號仍沿夫淮甸
彌信生崧降嶽名世多鍾固宜
考獻徵文立言不朽雲曾客淮
軍忝參戎幕恭承

續修廬州府志

序

一

簡命

來守是邦易戎馬以弦歌撫瘡
痍於兵燹披覽舊乘慨然有懷
夫其保甲定章樹桑普勸集經
生之能事期有用於民間惟嘉
慶之修書際承平之暇日歲帙
則玉杯名古簪毫而金匱才儲
楊儀部之舊志猶存嚴吳興之

成編可溯稽覈既備釐訂自精
然猶傳略儒林記虛兵事食貨
少專門之輯蠲卹無特紀之勤
加以冊乏魚鱗繪殊鳥道就圖
經而顧名思義尚非計里開方
綜沿革而由後溯前當期實事
求是自慚禱昧畧悉方輿虛聲

上達於



九重

良慚薦剡志例早逾於六十亟
待增脩是用聚米繪圖籌薪設
局訪忠孝節烈之事實以振綱
維延明體達用之士紳與商譔
述猶慮一郡之廣五屬之遙未
易旁周恐多闕漏緩成書之歲

月勤考證於縹緗乃者 合肥
伯相得康熙一志於都門前張
太守所主修實顧舍人為編次
其書兼該英霍博綜江淮上紹
前修旁開後起既幸兼彼二妙
成此一書八稔於茲百篇可讀
考義例於姚合預徵皖治之遷

廬付潤色於汪倫莫訝楚材之
用晉幸茲久任竟得觀成補闕
拾遺期之同志發凡起例願綴
微言奉許子威為儒宗所望聞
風而起稽黃次公之治行敢云
數典而忘爰序簡端用諗來哲
欽加道銜廬州府知府清泉黃雲謨

序并書



續修廬州府志

序

四

聖天子嗣位之十一年知廬州府事
清泉黃雲冰臣以曉暢方輿精
通攷畧為大臣所特薦越明年
將遵

旨入都引對

大廷以備

顧問陳籌策而廬州郡志乃適於是

時告成憶當瀚章督鄂時太守郵

書以公事相商權若鎮淮之樓
威平西平拱辰之門東西水關
之石閘木柵廬陽書院之經費
孝肅包公之祠宇皆以次集費

興舉獨續修廬州府志一事經理最先成書最後太守書中所謂延請明體達用之士寬以日時庶資傳信者今恰如其言抑何信而有徵也前年春世講新安汪大令宗沂自鄂之廬太守商

之吾家昆仲舉全書以畀之大令受而至鄂局又得黃子壽廉訪為之酌定義例杜門經年編輯之書得百卷而與圖繪畫計里開方則惟太守之攷訂確實博稽詳采而備登之固非他人

所可及者圖始觀成惟太守實
主持之今者束裝赴

闕如漢時名宦次公之以治行遷

擢得展經綸不特一家譜牒之

光抑亦吾郡掌故之厚幸也夫


光緒十一年歲在乙酉秋八月

續修廬州府志 序

七

賜紫禁城騎馬頭品頂戴前湖廣

總督李瀚章序



善乎有宋先儒李忠定梁溪集
之論邊防利害也謂淮南荆襄
者東南之屏蔽又謂淮南西路
當以廬州為帥府荆襄當以襄
陽為帥府此豈非通達治體明
地理識時勢之言哉

國朝桐城姚京卿鼐之序廬州府
志也亦曰廬州居江淮之間湖
山環匯最為雄郡余嘗謂

國家因明舊制臨江建安徽省治
官舍吏廨成立百餘年不可猝
移耳若以地勢寬平原隄雄厚

控扼南北之要言之安徽大府
建牙未有宜於合肥者也姚先
生皖人而所見若此與李梁溪
浚先同揆其言尤天下之公言
也咸豐三年粵氛東下東阿周
文忠權安徽巡撫疏請遷省治

於廬州府嗣是遂為重鎮江忠
烈堅守以蔽淮甸和忠武力攻
以復城隍論者咸知廬州一府
為全省勝敗之所關係中原大
局之所維持非淺鮮矣迨同治
初元鄂淮兩軍合力收復廬郡

湘鄉曾文正師駐軍皖江議因
廬郡為省會以控扼江淮築室
道謀事用不就鴻章時參與幕
府引嫌未克伸所見文正師生
平學父宗法姚氏而臨事未遂
因所言以決議乞由軍情地利

時有所便習也余三弟季荃送
余轉戰江介功成早退究心輿
地之學慨鄉邦文獻時有闕遺
與太守清泉黃君冰臣議續脩
廬州府志創藁甫竟積書盈尺
而久未論定太守勤采訪繪輿

圖以合鈔藁本四十餘冊屬為
增成之鴻章任封疆籌軍旅庶
事方殷未暇及此會武昌方開
局脩通志同年黃子壽廉訪及
汪仲伊大令適任其事爰舉全
藁以畀之書成郵寄余深幸余

季之前功可竟而一方之掌故
有徵也抑又聞之前事不忘後
事之師輿地形勢終久不易記
聖武者亦必有取於金城湯池之
一言近時輪舶颺馳瀕江扼要
不如腹裏安省之有廬州猶鄂

省之有襄陽也居中以控制則
形勢豫定而運掉益靈此尤江
防之要務也願與當世曉暢方
輿者攷核而深論之爰述以為
序
光緒十有一年八月

賜進士出身

欽差壯洋通商大臣 太子太傅

文華殿大學士直隸總督一
等肅毅伯兼一騎都尉世職合
肥李鴻章撰



光緒九年夏新安汪大令宗沂為
合肥李伯相師及廬州太守清
泉黃君延修府志道出杭州以
與姪孫更新有年誼來謁從余
索廬江邑乘余以甫修未刊畚
之未幾大令自鄂中志局以續

修廬州府志序例見寄謂出黃
子壽前輩所論定者余撫浙政
煩未有以益大令惟嘉其擬編
世族表為有識友人芸閣孝廉
時客余幕中亦云然復為辨正
數事今年春得大令函及全志

小序韻言始知志藁業已竣事
姻家李和甫觀察方監刊續修
廬州府志於皖中謂余在館諳
史例俾來屬為序而余廬江縣
志亦適於是時觀成聞大令深
以志中水利田賦雜稅卹糈各

門為確實賅備采輯以補府志
之闕今而後吾廬郡邑之志其
亦可以備稽考參得失而不至
有所抵牾於其間歟抑余未及
悉讀兩志參觀而互校之夫又
安知吾廬人以為是者當世淵

博達人或猶未盡以為允當歟
語云前事不忘後事之師又云
不習為吏視已成事若淮軍營
制之附記於兵事者固伯相師
及余所嘗深究而畧參考訂於
其間黃君之治廬陽也最久其

勤事於淮軍中者亦最深不有
太守草創而討論之大令縱諳
志例又安能分別部居犁然有
當於人心而與吾儕上下其議
論乎故於書之成也樂述數言
將以為志乘核實焉

光緒十一年八月

賜進士出身翰林院侍講學
士頭品頂戴浙江巡撫劉秉璋
序



合肥迤西有大潛山焉其上有名泉冬春
不竭蓮花轟峙於其前龍穴蘊奇於其
外山中之人秉山之氣類多欽崎磊落
挺出而特立地靈如此人傑可知自肥西書
院開而文風乃日盛銘傳築居於斯頌而
樂之因登山陟岡以相其陰陽導其脈絡
而創建盤亭于其間山中之文人學士來
遊斯亭者無不知此中之有盤夫斯盤

也乃成周之法物獲季子白之所紀功也出土
未幾自陝而吳由吳而廬而後得為銘傳之
所儲之之於亭內而又刊之於書以公諸四
方吾廬賢太守清泉黃君固所稱暢曉
方輿者也以大旨荐將入覲

皇居其在任持續修廬志商巨紳延名師
數年而後成總一百餘卷足極大觀於一時
而盤之文字炳如娘之實冠一郡之金石蓋

古莫古於斯矣今試由封爵一表上溯之
吾宗于漢則姜頊居巢而侯為最著于
唐則有居巢子之文章於明則有郡人
流伯之材武銘傳生管晚近勇讀詩書壯
馳戎馬幸蒙

聖恩爵列五等俾得自附於先德之次恒
感激而苗報山居未久以閩中軍事起奉
詔出山握接篆駐全臺軍書冗雜日不暇給

今幸兵事稍定志書適成他日角巾歸第
方將儲此志於大潛之山肥西之院與里中才
俊考核而深論之山靈其許我乎願書此以
為券至若全書義例刪繁就簡可以信今而
傳後則恃李伯相師之論定可無俟銘傳之
贊言之焉是為序

光緒乙酉秋八月

頭品頂戴福建巡撫一等男合肥劉銘傳撰





志例每六十年而一修而
主修者實難其人役於簿
書期會之煩則不暇修有
意修志不以事廢置矣而
又苦於文獻之不足徵政
事之未及備舉或甫議興

修又適以遷擢去不恒久
於其任則時修時輟也有
之若廬州太守黃冰臣公
祖之續修廬州府志也則
不然蓋其從事淮軍功業
炳著其習悉於廬陽之掌

故也已久光緒四年來治
廬郡於今八年而志書以
成得百有餘卷志中之修
城濬河建祠造塔皆在任
實行之成事又有康熙嘉
慶兩郡志完帙出於兵燹

煨燼之餘近參同志輯訪
維勤遠延碩學折衷論定
其為善志不綦足信哉雖
上距嘉慶修志之時已八
十餘年網羅散佚恐難該
備然及今不述將復何徵

網舉目張因仍自易此余
所以為斯志幸而又冀後
續志之如期早修也
光緒乙酉八月
賜進士出身前翰林院編
修直隸布政使孫觀撰



續脩廬州府志百卷清泉黃冰臣太守原稿而同年汪仲伊大令所編輯者也乙酉孟夏汪君攜全稿至皖付家大人將授之手民家大人命經世兄弟復加審訂因受而畢讀焉見其徵引宏富義例謹嚴心竊善之惟成書在徽採訪多光緒八年以前事此後三年所得忠義節孝又不下數千人而各門類亦均有應增之處是不

可不亟為補錄且原稿皆憑鄉里呈冊聯綴而成疏漏冗複勢難盡泯爰與同年胡綬卿大令悉心編次補其疏漏汰其冗複增其所未備自季夏迄孟冬五閱月而書告成數仍百卷而升

皇言於卷首并添卷末補遺一卷因校勘事

繁更延李遜卿明經范筱舫少尹分任其勞又兩月而刻工竣今而後文獻有徵誠

皇言述名宦例皆當與通志相出入而不能
廬為重鎮大吏所駐體例因而增廓則紀
志其難有三廬州在咸豐朝曾建行省溯
自漢之季世六朝之僑置宋之中興皆以
常志例論者嘗聞之 家大人云續脩廬
十餘年未有纂述歷年既遠考核無憑矧
今昔形勢迴殊則紀事述聞又未可以尋
鄉邦之一大幸也然溯自嘉慶以迄今八

拘牽疆界有所去取此一難也軍興以來
衝要大郡兵事繁興人物志中男多忠節
女多義烈較之前志不啻倍蓰因事為篇
無可刪省以從簡便此二難也淮軍武功
遭際

聖朝紀績太常書勛冊府營制之委曲繁重
戰績之傳聞異辭今此不述後恐難稽概
入志餘則篇幅太夥不入志書又嫌區別

太過此三難也茲得太守力任其難舉八十餘年中之應入志事者博綜而約收之又賴汪君編輯於前胡君訂補於後經世等謬參末議為之逐類斟酌爐篲既更全書乃得就緒是又於三難之外見成事之如此其難也經世不敏從郡中鄉先生及家庭尊長後誠未敢率意論議亦詳述庭訓暨是役卒事之大概而誌以為一時

之紀實云爾

光緒十一年歲在乙酉冬月

賜進士出身翰林院編脩合肥李經世敬序



廬陽居一省之中地據四
衝人經百戰

中興功績多重淮軍惟是兵燹
久更志乘多闕問七賢之
別傳久佚其書求五屬之

前型嘗聞其略合肥伯相
留心文獻嘉惠鄉邦商江
夏以折衷得水雲為編定
采訪既富考訂尤詳潤色
討論適符百卷傳循生長

濡須之治服官白雲之司
於軍事之本末尚未周知
慨舊籍之佚傳難資攷證
乃聞康熙一志得自都門
考信闕疑因之竣事愧聞

見之未逮欣剗之觀成
摹世表於唐書竊幸因人
而類族媿新安之宋志彌
慚授簡以綴名

賜同進士出身刑部員外郎

無為高傳循撰



續修廬州府志職名

總裁

頭品頂戴兵部尚書前任湖廣總督 李瀚章

欽差北洋大臣太子太傅文華殿大學士直隸總督一等肅毅伯 李鴻章

協裁

頭品頂戴兵部侍郎浙江巡撫 劉秉璋

湖北 布政使 蒯德標

前任 直隸布政使 孫觀

倡修

二品銜原任甘肅甘涼兵備道 李鶴章

總修

續修廬州府志

職名

花翎道銜江南安徽廬州府知府 黃雲

同修

署 合肥縣知縣 譚廷獻

廬江縣知縣 錢鏞

舒城縣知縣 張成瀚

署 無為州知州 周星譽

巢縣知縣 周應漑

廬州府學教授 呂賢楨

廬州府學訓導 余誼超

合肥縣學教諭 孫傳銘

合肥縣學訓導 凌允煦

廬江縣學教諭 洪紹朋

廬江縣學訓導 程元愷

舒城縣學教諭 湯寅直

舒城縣學訓導 汪士玉

無爲州學 正 程慶熊

無爲州學訓導 賀安泰

巢縣教諭 王嚴恭

巢縣訓導 馬家芳

總理

候選道 李蘊章

協理

續修廬州府志

職名

二

按察使銜江蘇候補道 吳毓芬

提調

按察使銜分省補用道 李經楞

總纂

原任湖北布政使 林之望

湖北按察使 黃彭年

前山西知縣 汪宗沂

代辦總纂兼分修

五品銜揀選知縣 胡廷琛

協纂

五品銜刑部主事 沈績熙

四品銜翰林院典簿王尙辰
四品銜兵部員外郎武選司行走李經畚
遇缺卽選同知直隸州知州程燠
同知銜候選知縣盧鈺
分修

江蘇候選教諭朱紹亭

揀選知縣諸可寶

恩貢生李聯奎

候選教諭范彥瀛

副貢生李仁裕

內閣中書優貢生李經邦

續修廬州府志

職名

三

卽選道李經義

前署甯國縣訓導朱祝三

道銜江蘇候補知府鮑灼

五品銜工部主事虞衡司行走霍翔

六品頂戴廩生俞燮奎

兵部主事王元超

鳳臺縣訓導高肇麟

候選訓導丁翰清

候選訓導齊來芸

廩生程佐衡

廩生李垣

五品銜卽選教諭楊獻斐

同知銜江蘇補用知縣楊昌言

靈璧縣訓導夏宗慶

刪定

翰林院編修李經世

總校

附生汪復本

五品頂戴安徽候補巡檢范光裕

五品頂戴貢生李敦讓

分校

安徽候補巡檢陸昫

續修廬州府志

職名

四

廣東候補巡檢陸永崧

附生晏啟鎮

附生鄒世布

附生查燕緒

附生范當世

升用縣丞主簿汪潯

光祿寺署正銜貢生胡廷珏

五品銜遇缺卽選主簿凌雲志

候補內閣中書周家謙

五品銜候選訓導張家珍

舉人龔良舉

拔

貢

生

李道源

副

貢

生

趙連璧

附

生

張雲霖

附

生

蔡紹鈞

六

品

頂

戴

附

貢

生

陳希桂

六

品

頂

戴

廩

生

張存本

六

品

頂

戴

優

廩

生

朱廷燦

廩

生

俞金庚

五

品

銜

江

西

卽

補

知

縣

宋學沂

候

選

訓

導

宋仁澤

候

選

訓

導

盛致中

續修廬州府志

職名

五

恩

貢

生

張宗瀚

懷

遠

縣

教

諭

倪釗

舉

人

湯永圖

拔

貢

生

高式櫟

拔

貢

生

盧樹德

歲

貢

生

丁瑞清

分

發

補

用

知

縣

周作銘

候

選

訓

導

李廷元

拔

貢

生

賈立藩

拔

貢

生

錢國選

采訪

候選主簿呂沂

分發補用典史程慶雲

知府銜江蘇直隸州知州朱廷球

副將銜兩江補用參將周錫金

候選教諭劉鰲

舉人龔心鑑

恩貢生黃瑞鼎

歲貢生吳廉泉

歲貢生吳斗南

歲貢生史含章

廩貢生郭樹勛

續修廬州府志

職名

六

廩貢生羅愛嵐

增貢生袁漸鴻

附貢生周家駒

附貢生張士琦

廩生姚慶瀾

廩生蔡鑑

廩生王椿茂

廩生王瑞生

增生楊建勳

附生承蔭州判李襄國

附生候選主簿丁松齡

附

生 張光祖

附

生 張衍祖

附

生 溫寶三

附

生 趙文英

附

生 劉學琴

附

生 龔毓棠

吏

員 金鴻齡

監

生 葉任林

監

生 王漢臣

監

生 錢鴻謨

五品銜前署東流縣教諭 許澄露

續修廬州府志

職名

七

五

品

銜

候

選

知

縣

項宗洛

候

選

鹽

大

使

李業純

五

品

銜

候

選

知

縣

吳量才

湖

北

試

用

同

知

柯珊

候

選

教

諭

宛大來

孝

廉

方

正

錢凝和

江

西

試

用

同

知

金國柱

兩

淮

候

補

鹽

巡

檢

張塋

恩

貢

生

董煦

歲

貢

生

朱斗垣

歲

貢

生

劉昭武

附

貢

生

何如蘭

附

貢

生

湯銘

廩

貢

生

盧茂林

廩

生

程凱勳

附

生

翟體政

恩

貢

生

陶瑞蘭

歲

貢

生

唐家賓

歲

貢

生

薛鴻儒

廩

貢

生

湯自新

監

生

杜鍾駿

駱錫爵

張懷濤

傅會賢

袁松林

袁士閔

夏同寅

胡前修

杜鍾英

張鴻翼

胡守介

聶鴻謨

收捐

二品頂戴江蘇題補道 劉鍾靈

監繕

候選訓導 許宜世

廩生 李經常

收掌

五品銜候選從九 劉進

五品銜監生 蔡紹勳

校刊

份生 李經簧

司局

同知銜江蘇候補知縣 項其誠

續修廬州府志

職名

九

繪圖

文童 汪得義

承刊人 黃竹友

續修廬州府志凡例

近代方志首紀

皇言始於宋周濬乾道臨安志之首載詔令然周志體例雖善而信而宗法之者實自會稽章氏學誠始其所著文史通義一書由宋人志例而上溯之周官書令古法遂以通行志例因而大定矧廬之爲郡於咸豐年間曾議設行省見之

詔諭中興將相蔚起立功膺受

特恩有非他郡所敢望者至於水旱偏災

恩膏下逮尤爲普被

天章顯赫

續修廬州府志

凡例

綸綍祇承敬謹述錄著於簡端亦志家通例也

凡他志通例序例之外於各門之首又各系以小序重在旁引故典發明大旨茲仿史氏述贊例括以四字韻言用省煩文

地志與史裁略異不當贅及天文惟就廬州一境推測晷度以日景測地如法編表取裨實用謹遵

欽定熱河通志之定例

圖經爲地志之權輿左圖右書古法並重實學攸資自明以來標識名勝以圖居首近今方志多以計里開方繪圖於法甚善今特詳加考核分別繪圖較舊志增出以倍計爲圖凡十每圖各系以說用著州縣方輿之大

旨

疆域以知道里坊鎮以詳居址舊志言疆域而不及坊巷村鎮甚爲闕略茲分屬補錄並每屬繪鄉鎮村莊二圖附後以資考證

建置沿革舊志多列爲一門惟興作必書因事互見不須更編入表若沿革乃考核輿地之大要愈久則愈詳合肥稱名由來未改廬江爲邑會隸無爲况古今州縣次第不同茲謹遵一統志編列五屬以廬江先舒城後爲序而據嘉慶志所載增訂爲表若府境沿革之大勢則採自康熙志及歷代史書分年紀要載於表前後更附分境表以推漢縣今制之出入亦聊補舊志之闕云

續修廬州府志

凡例

二

爾

廬州介峙江淮居皖省之最中形勝極爲扼要自六安不隸府屬英霍別屬六安西路疆封稍形其隘設守較難而東關防江濡須重鎮合肥舒城桐濠毗接山環湖滙地曠土寬廣表數百里較唐宋所建有過之無不及也故撥舉前志先後厓略而極言之

山川脈絡禹貢最詳敘次貫通水經有注古書識地多由經涉是以誌山誌水不煩分列而條理秩如後來方志於山川一門羅列無紀每近簿籍茲仿古書於山川脈絡各區遠近並詳紀東西南北方隅偏正庶開卷瞭然取便俯察

風俗物產均仍前志之舊而博綜之方言舊無是日據拾得數條不能別卷故並列焉至城署津梁古蹟冢墓但依前志考訂略去浮文不須更易

水利一門貴詳不貴略尙質不尙文綜觀廬屬地界多臨巢湖而無爲瀕江屢有水患隄防築圩尤關民生要務煩文成案概不芟除以資幹濟其廬江湖水利害亦並著焉

田賦遵功令列五屬賦役於前祇以現在者爲徵驗間亦取之省志餘均從畧其學田附學校後以免混淆至蠲卹食貨新增補闕亦各以類從焉

學校者教化所從出人才所由基武功志取隸建置詳續修廬州府志

凡例

三

末而略本矣夫春秋之例興作必書建置門例最寬兵燹而後如官署城池之修復廛市征稅之設局水師營壘之肇設各從其事書之不必別人建置卽學校之不人亦可推見至祠祀一門區分官祀民祀寺觀不列專門附著於後

舊志有記事一門或別作大事記所紀者半涉兵事參以建置沿革固本之太史公書然彼乃史例非志例也今沿革另有專表因詳紀古今兵事次於軍制之後別爲一門以地據巖疆用武事多尤宜備述也

廬州之建設省治自咸豐三年周文忠公權巡撫時入奏同治初元湘淮兩軍合圍收復始仍舊郡治據此則

凡咸豐三年以後撫司之駐廬者皆當補入職官表之中至屯駐將帥有功於廬亦宜附載茲分類編表其有事蹟可傳者另立名宦傳例亦與表同

淮南廬江舊爲封建重地封爵有志仿自前修其以郡人而膺五等之封者史冊所紀實多明初尤盛

國朝同治中興肅毅伯以元功膺懋賞所部如劉中丞之得一等男程忠烈公之後得並襲三等男異數之榮後先同揆茲於封爵編表不更立傳間有事實條具上方選舉以薦辟爲近古文武科目次之例仕又次之近年之由軍功出身者與例仕同茲詳加蒐輯分類編表而以縣之先後爲序以便查閱

人物列傳舊志不分名目厥後始有名臣名將忠節文苑仕宦篤行等傳而遺儒林然如許子威之傳尙書見漢志儒林傳注楊傑折衷樂律宋史亦列儒林近修安徽通志儒林傳中所取廬郡十三人若府志不標儒林之口閱者必疑經文緯武或有偏重矣今嚴爲甄錄嚴以傳經立品性理闡修以補舊闕而誌盛美其餘則重加釐訂酌改舊目分宦績忠義文苑武功孝友義行隱逸藝術耆壽等類依類補輯至忠義一門其無事實者另編表五卷亦附載焉

英賢世系舊志未有編錄然廬陽山川雄厚偉人迭生國初李文定公以正卿而居相位近時肅毅伯又以總制

入躋首輔勛名之盛震耀古今其他忠義之家簪纓之
胄更不勝枚舉茲仿唐書宰相世系表及章氏文史通
義志家當述氏族表之例補爲世族表一卷於流寓方
外之前而以科第官階忠義爲限但事例近創難免遺
漏之譏閱者諒之

列女之傳始自劉向賢母令妻懿德彰聞其間兼及淑
女才媛義取羅列而廬郡壽婦尤多今本此詮次賢德
而外並錄壽婦才媛至義烈貞孝完節之傳則仍本舊
志依目增加計十八卷更彙爲義烈貞孝完節三表計
十一卷區分五屬附載於後以闡幽光而垂久遠

藝文在漢代惟述書目搜訪金石近人始詳今以藝文
續修廬州府志

凡例

五

區分四部爲上下二卷聞見未周尙待輯補故以略稱
金石亦別錄爲篇先存崖略

康熙志祥異附載星野後嘉慶志則列於大事門內體
均未協茲另編一卷列於金石略後以免淆雜

嘉慶志有佚事雜文二類名目太碎而康熙志則將詩
文概入藝文佚事間附集覽更覺漫無區別茲詳加抉
摘并增采如干條統入志餘分存事存人存文存詩四
目較爲賅括

淮軍戰績載在

國史其人大半生存例不入志惟

國家正當用人之際鄉里尙多用武之才觀摩馴習有所

感發前事不忘後事之師謹因事紀述刪繁就簡別爲
淮軍戰事編一書以附於後舉平寇平捻平台區分子
目先著於篇遇有豐功偉烈哲人軼事隨時甄錄亦後
來續修志者所取資也

廬州府志自嘉慶癸亥張公祥雲主修以後八十餘年
未有續編此次增修惟據嘉慶張志粗有定本自合肥
李伯相訪得康熙丙子張公純修舊志於都門藏書家
假錄參稽始有眉目謹案後張志經陽湖孫淵如桐城
姚姬傳兩先生鑒定固徵考據繁多惟書非一手所成
例未會一前張志則係無錫顧梁汾貞觀在里中編成
郵寄刊書體製尙簡潔曾及見明時舊志亦多所稱引

續修廬州府志

凡例

六

惟其修書在六安未分隸以前所採尙多不能入今志
者且采訪太畧如晷度疆里郵政食貨兵事人物列女
金石皆有未備故分卷止四十有七今之續志數逾百
卷非欲夸多實緣兵興以來地居衝要忠義節烈表傳
旣多淮軍武功人材所萃事蹟旣視他郡爲著則篇幅
增廣亦因自然採摭旣詳行文難省且志乘之事後密
於前不可以一告而議前賢之疵亦不可因畏嫌而不
補前書之闕敢因編成付梓謹訂凡例於簡端考事徵
文恐多疏忽糾謬刊誤良所願聞分卷標目詳列於後

續修廬州府志目錄

卷首

皇言紀

卷一

暑度表

分野附

卷二

輿地圖

府州縣凡六圖 府城圖 府署圖 說并附

瀕江圖

卷三

疆里志

疆域 坊巷 鄉鎮 五屬鄉鎮村莊圖附

卷四

沿革表

府境沿革攷 府州縣沿革表 古今疆域分境表 案語附

續修廬州府志

目錄

卷五

形勝志

封守 關隘 舊志形勝附

卷六

山川志

上山

卷七

山川志

下水 外江內河圖說附

卷八

風土志

風俗 方言 物產

卷九

城署志

卷十

津梁志

卷十一

古蹟志

卷十二

冢墓志

卷十三

水利志

卷十四

田賦志

卷十五

郵政志

續修廬州府志

目錄

卷十六

食貨志

倉儲

鹽法

釐局

善堂

卷十七

學校志

學宮 義學附

學額

學田

考棚

書院

卷十八

祠祀志

上

典祀

民祀

卷十九

祠祀志

下

寺觀附

卷二十

軍制志

卷二十一

兵事志

卷二十二

兵事志

一 廬州戰守記 二 收復廬州事畧均附

卷二十三

職官表

一 兼轄大吏 二 屯駐將帥 三 郡守僚屬

卷二十四

職官表

一 牧令僚屬

卷二十五

職官表

一 學官 二 武職

卷二十六

名宦傳

一 兼轄大吏

續修廬州府志

目錄

三

卷二十七

名宦傳

一 屯駐將帥 二 郡守僚屬

卷二十八

名宦傳

一 牧令僚屬 二 學官 三 武職

卷二十九

封爵表

卷三十

選舉表

一 制科 二 進士 三 舉人

卷三十一

選舉表

一 五貢 二 例貢 三 文仕籍

卷三十二

選舉表

三 武科
武仕籍

武進士

武舉人

卷三十三

宦績傳

一

卷三十四

宦績傳

二

卷三十五

忠義傳

一

卷三十六

忠義傳

二

卷三十七

忠義傳

三

續修廬州府志

目錄

四

卷三十八

忠義傳

四

卷三十九

忠義表

一

卷四十

忠義表

二

卷四十一

忠義表

三

卷四十二

忠義表

四

卷四十三

忠義表 五

卷四十四

儒林傳

卷四十五

文苑傳

卷四十六

武功傳

卷四十七

武功傳 二

卷四十八

武功傳 三

續修廬州府志

卷四十九

武功傳 四

卷五十

孝友傳 一

卷五十一

孝友傳 二

卷五十二

義行傳 一

卷五十三

義行傳 二

卷五十四

目錄

五

義行傳三

卷五十五

隱逸傳

卷五十六

藝術傳

卷五十七

耆壽傳

卷五十八

世族表

卷五十九

流寓傳
方外傳附

續修廬州府志

目錄

六

卷六十

列女傳
賢德
老壽
才媛附

卷六十一

列女傳
義烈一

卷六十二

列女傳
義烈二

卷六十三

列女傳
義烈三

卷六十四

列女傳
義烈四

卷六十五

列女傳 義烈五

卷六十六

列女傳 貞孝

卷六十七

列女傳 完節一

卷六十八

列女傳 完節二

卷六十九

列女傳 完節三

卷七十

列女傳 完節四

續修廬州府志

目錄

七

卷七十一

列女傳 完節五

卷七十二

列女傳 完節六

卷七十三

列女傳 完節七

卷七十四

列女傳 完節八

卷七十五

列女傳 完節九

卷七十六

列女傳 完節十

卷七十七

列女傳 完節十一

卷七十八

列女傳 完節十二

卷七十九

義烈表 一

卷八十

義烈表 二

卷八十一

義烈表 三

續修廬州府志

目錄

八

卷八十二

義烈表 四

卷八十三

義烈表 五

卷八十四

貞孝表

卷八十五

完節表 一

卷八十六

完節表 二

卷八十七

完節表 三

卷八十八

完節表 四

卷八十九

完節表 五

卷九十

藝文略 上

卷九十一

藝文略 下

卷九十二

金石略

續修廬州府志

目錄

九

卷九十三

祥異志

卷九十四

志餘 上 存事 存人

卷九十五

志餘 下 存文 存詩

卷九十六

淮軍戰事編 平寇紀畧上

卷九十七

淮軍戰事編 平寇紀畧下

卷九十八

淮軍戰事編 平捻紀畧上

卷九十九

淮軍戰事編 平捻紀畧下

卷一百

淮軍戰事編 援臺紀畧

卷末

補遺

續修廬州府志卷首

花翎道銜江南安徽廬州府知府清泉黃 雲總修

皇言紀

康熙十八年

旨江南財賦繁多舊欠無徵錢糧如再行徵比恐累小民其十年十一年十二年錢糧俱著蠲免其十三十四十五十六年錢糧俱至十九年起分年帶徵以紓民力著該撫通行曉諭務令均沾實惠以副朕愛養斯民至意

旨九分十分荒者免本年稅銀十分之四七分荒者免十分之三五六分荒者免十分之二

旨各屬災田漕米緩至來年帶徵於緩徵米內半徵漕米半徵漕麥不拘米色紅白粳粳並納

續修廬州府志

卷首

一

旨鳳廬淦三屬照被災分數蠲銀有差漕糧改折外耗贈米俱免

三十一年

御書貞松二大字

賜武英殿大學士李天馥同日又

賜李天馥

御書一幅曰儒者當學探本原行迪純茂循序進德守己沖虛一言一動罔有不謹嘉謀嘉猷必以入告斯廣譽翕然爲周行之士

雍正元年四月

旨蠲免合肥舒城等十八州縣衛被災地丁銀四萬八千四百六十餘兩米麥豆四千三百餘石又動積穀賑濟饑民

乾隆三十四年

上諭安徽上年得雨稍遲間被偏災著加恩將合肥等十州縣被災十分之極次貧九分之極貧各加賑兩月其被災九分之次貧八分之極貧各加賑一月廬州等五屬併照屯坐州縣一體查辦

四十一年

上諭昨歲安徽江蘇地方雨澤愆期間被偏災業經分別撫卹蠲賑兼施貧民已不致失所第念新春正賑已畢麥收尚早日食不無拮据著加恩將安徽成災八九分之定遠等七州續修廬州府志

卷首

二

縣無論極次貧民各加賑一月其廬州等衛被災屯戶一體賑給

五十二年

上諭安慶等府各屬俱係災歉之後去年春夏雨水稍多又災後疫氣交作民間元氣未能遽復若令新舊並徵小民輸將未免拮据所有安慶府屬之懷甯桐城潛山太湖宿松望江廬州府屬之舒城鳳陽府屬之含山等十六州縣去歲應徵舊欠及歷年災緩錢糧借欠本折籽種口糧等項俱著緩至今年秋成後補徵以紓民力

五十四年

上諭安徽省鳳潁等屬本有積欠銀米本年宿州靈璧等州縣又

被黃水偏災雖該處亦有秋收成熟地方但積欠既多若同時新舊並徵閭閻生計不無竭蹶所有本年秋收成熟之懷甯無爲廬江巢縣定遠壽州鳳臺等七州縣積欠地丁隨漕及借給籽種口糧等項應徵銀米著加恩自五十四年起分限四年帶徵其被災歉收之宿州靈璧盱眙五河鳳陽懷遠霍邱亳州蒙城太和等十一州縣及鳳陽長淮泗州三衛積欠各銀米概予寬免

五十八年三月

上諭書麟奏查驗無爲州江堤情形酌籌辦理一摺並繪圖樣呈覽詳閱圖內永成圩外卽係大河據書麟奏稱該堤兜灣處所尙露堤基應行幫築寬厚等語該處河形兜灣永成圩續修廬州府志

卷首

三

堤工卽使加築寬厚亦屬頂衝著重易至塌卸何不將河形開挖取直俾溜勢離堤稍遠不至逼近堤根用資保護已於圖內用硃筆畫誌着書麟等察看情形將是否可行之處酌量辦理又馬頭埂地方現據書麟擬於該處開挖河口寬三十丈深一丈五尺曾家壩至東圩間所有舊河止寬六七丈及十三四丈不等今擬一律挖寬三十丈較舊展至一倍河流更爲暢順自應如此辦理至此項挑工係該州紳士保護田廬自行出資捐辦但向來地方官遇有挑河築堤工程動用官項尙不免任意浮冒從中侵蝕今此項工程係紳士捐辦不肖官吏更難保無藉端侵肥勒索等事若因有地方公事而官吏等轉得藉以飽其私橐是非以便民實以病民現

雖據書麟奏稱俟工竣時親往查驗不知堤工河工一經放水卽難於勘實惟應放水之前據實查勘尺寸不致作弊更當飭該府州於興工時往來稽察但該督駐劄江甯旣不能常往查勘而僅委之府州稽察亦未必能認真辦理此事着專交朱珪就近隨時親赴工所督率稽查毋任地方官吏胥役等藉端滋擾書麟仍於工竣時親往查驗以期一律穩固倘稽查不力官吏等稍有侵肥擾累等事一經查出惟朱珪是問必將該官吏等及該撫一併從重治罪將此各諭令知之將原圖發交閱看

五十九年

上諭上年安徽無爲州及銅陵繁昌二縣因夏秋雨水稍多低窪田地間被漫溢著再加恩賞給兩月口糧併酌借籽種以資接濟

嘉慶元年

上諭安徽合肥等六州縣高地被旱本屬一隅中之一隅但屆隆冬沍寒之際民力不無拮据著加恩將合肥定遠二縣被災民衛戶口按照分數給予賑濟

九年

上諭安徽省濱江各屬及江北一帶屢經秋雨低窪地畝收成歉薄且多係連年積歉之區貧民未免拮据著加恩將貴池青陽銅陵東流當塗蕪湖繁昌七縣被水貧民賞給一月口糧無爲廬江二州縣被水極貧小戶加賞一月口糧巢縣鳳

陽懷遠壽州鳳臺宿州靈璧泗州盱眙天長五河十二州縣被淹民衛田畝本年應徵新舊錢糧漕米俱緩至來年秋成後分別徵收俾偏隅民食益臻寬裕

十六年

上諭本年夏秋閒安徽鳳陽泗州等屬各州縣衛或因浸水被淹或因雨澤愆期秋成歉薄著加恩將成災五分之盱眙霍邱全椒三縣並勘不成災頻年積歉之合肥廬江桐城壽州鳳陽定遠鳳臺天長等八州縣賞給一月口糧其勘不成災之舒城巢縣二縣著酌借籽種卽由司庫內動項折給又盱眙霍邱全椒三縣及屯坐各衛被災民屯田地本年應徵民衛丁地屯折等項錢糧並漕糧漕項銀米俱着蠲免十分之

續修廬州府志

卷首

五

一蠲贖銀米分年帶徵其應徵嘉慶十六年分民屯新糧津貼及節年應徵一切丁地屯衛米麥豆折同借欠籽種口糧俸工驛站津貼等項俱緩至十七年秋成後啟徵其附近災地之成熟村莊應徵本年錢糧及節年帶緩丁漕各項並借欠銀兩米石一體緩至來年秋成後啟徵又勘不成災之合肥廬江壽州鳳陽定遠鳳臺天長舒成巢縣桐城無爲懷甯潛山太湖望江東流涇縣蕪湖繁昌懷遠六安滁州來安和州含山等二十五州縣及霍山縣畝入六安州境內田地暨屯坐各衛應徵新舊一切地丁屯衛米麥豆折並借欠籽種口糧驛站俸工學租河帑津貼及災緩分年帶徵等項錢糧俱緩至來年秋成後啟徵其漕糧漕項錢米並帶徵節年災

緩之項俱分別緩帶漕項銀兩緩至來年秋成後啟徵又潛山縣借修吳塘堰壩工應徵十五六年二三限銀兩亦緩至來年秋成後各照應徵年限分年遞緩各衛民田亦俱照坐落州縣一律辦理又當塗縣亦因被旱歉收所有節年舊欠銀米及災後分年帶徵等項錢糧亦著緩至來年秋成後啟徵仍照原限分年遞緩以副朕惠愛黎元至意

十七年

上諭上年安徽省宿州靈璧泗州三州縣地方因李家樓漫口被淹經朕特降恩旨撫賑兼施前分年蠲免錢糧此外閒被水旱各州縣衛俱著加恩分別蠲緩小民已可無虞失所惟念現屆東作之期距麥秋尙遠青黃不接未免拮据著加恩

續修廬州府志

卷首

六

將宿州靈璧泗州三州縣成災六七八九分極次貧民概行加賑一個月被水被旱之五河盱眙霍邱全椒桐城合肥廬江天長八州縣俱賞給一月口糧被旱稍輕之鳳陽壽州鳳臺懷遠太湖五州縣力穡窮民按田借給籽種俟秋成後照數徵還所需賑糧以銀折給各衛所戶口悉照正賑一例辦理

十九年

上諭將成災六七八九分之合肥廬江無爲巢縣桐城銅陵鳳陽壽州鳳臺懷遠定遠蒙城霍邱六安霍山泗州盱眙五河天長滁州全椒來安等二十二州縣並屯坐各衛民軍各戶口照例給賑泗州衛饑軍照例歸衛自行給賑其賑各衛饑

軍隨同坐落各州縣一體附賑其成災五分之亳州二十二保壽州三十保宿州三十四保靈璧縣七里集泗州勘不成災三十三保無爲州十三里被六分災各保次貧暨十里被五分災各保及潛山五分災四十四保舒城五分災五十二保勘不成災五十一保甯國縣勘不成災六十一都東流縣五分災三十六保和州五分災二十五都繁昌縣五分災六十二保含山縣五分災十三都並勘不成災之貴池東鄉東一等十六保建德縣四十七保均著賞給一月口糧其成災五分之望江廣德建平暨勘不成災之懷甯四州縣俟來春如須接濟口糧或酌借籽種再由該撫察看情形辦理至成災較重之合肥等二十二州縣又五分災之潛山望江東流續修廬州府志

卷首

七

繁昌舒城宿州靈璧亳州和州含山廣德建平等十二州縣應徵本年民衛地丁屯折蘆課等項錢糧並漕糧漕項銀米著各按成災分數蠲免

二十年

上諭上年安徽各州縣被水被旱當此青黃不接之時民力不無拮据著加恩將較重之蒙城懷遠鳳陽盱眙天長五河銅陵合肥廬江巢縣壽州定遠鳳臺霍邱泗州桐城全椒來安等十八州縣並泗州衛成災七八九分極次貧民及成災六分之極貧戶口加賑一月積歉之宿州靈璧亳州三州縣極貧戶口加賞一月口糧其被災較輕之甯國建德東流貴池懷甯望江宣城涇縣南陵九縣查明實在無業貧民賞給一

月口糧有田不能耕作者借給籽種各衛戶口悉照坐落州縣一體辦理

二十五年八月

上諭安徽鳳陽潁州安慶廬州等屬賞給一月口糧民屯錢糧按數蠲免

道光三年

上諭本年安徽省夏雨連旬江湖漲發著照所請加恩將被水被旱成災六七八九分之無爲銅陵當塗宣城南陵蕪湖繁昌望江桐城和州懷甯宿松貴池青陽東流廬江巢縣含山全椒等十九州縣及屯坐各衛災民災軍均按成災分數照例分別給賑應領賑銀並作一次散放其成災六分例不給

續修廬州府志

卷首

八

賑之廬江縣十保桐城縣十四保全椒縣五十二圩和州九都含山縣三都計十八圩二灘次貧同成災五分之宿松縣六莊青陽上下圖巢縣三十五處來安縣十八圩懷甯縣十二保鳳陽縣八十一保盱眙縣一百保天長縣二十八鎮及潛山縣成災五分以上之三十三保貧民同屯坐各衛乏食貧軍俱著賞給一月口糧其成災之無爲銅陵當塗宣城南陵蕪湖繁昌望江桐城和州懷甯宿松貴池青陽東流廬江巢縣含山全椒潛山來安鳳陽盱眙天長等二十四州縣並屯坐各衛民屯蘆洲及馬學藉囚等田更名場租等項應徵本年民衛丁驛屯折本色米麥豆折蘆課省外衛等項錢糧著查照成災分數按分蠲免

四年

上諭上年安徽省懷甯等州縣被水業經降旨蠲緩賑卹小民自可無虞乏食惟念今春青黃不接之時民力仍未能饒裕著加恩將懷甯縣原查七八分四十四保桐城縣原查七分九分九十保宿松縣原查七八分二十莊望江縣原查七八分十六等圖南陵縣原查七八九分一百二十五圩埠貴池縣原查七八分二十五保並牛頭等二十八洲銅陵縣原查七八九分十四耆並荷葉等十四洲東流縣原查七八分三十七保當塗縣原查七八九分三百八十二圩埠蕪湖縣原查八九分一百二十二圩埠繁昌縣原查七八九分一百四十七圩埠無爲州原查七八九分四十五里集廬江縣原續修廬州府志

卷首

九

查七八分十六保巢縣原查七八分一百二十七圩和州原查七八九分二十都二坊含山縣原查七八分十三都共一百六圩二灘極次貧民及原查六分之桐城縣十四保廬江縣十保全椒縣五十三圩和州九都含山縣三都共十八圩二灘之極貧民戶並屯坐各衛饑軍均展賞一月口糧折色散放各衛饑軍貧生兵屬查照正賑一律辦理用示朕惠鮮懷保敷布春膏至意

三月

上諭陶澍奏江壩工程緊要援案借帑興修一摺皖省無爲州濱江臨湖地勢最低上年江壩被衝並下河水口淤塞以致州境均被淹浸自應趕緊興修俾資捍禦據該撫委員逐段

勘丈估計分別修補加培竝添築月壩挑挖引河其需土方銀四萬七千六百三十四兩零此項工程浩繁若責令民修誠恐力有未逮加恩著准其援照歷屆成案借帑興修卽於前次奏明扣留報撥銀內飭司如數發給該州督令紳耆等分領作速興辦毋任稍有草率偷減所借銀兩著於該州通境民田項下分限六年照糧攤徵還款竝免造冊報銷其河壩各工壓佔挖廢田畝該撫於工竣時查明照例題豁以紓民力

十一年十月

上諭安徽省被水被旱成災五六七八九分之無爲巢縣廬江和州含山五河當塗蕪湖繁昌貴池銅陵東流桐城望江懷續修廬州府志

卷首

十

甯宿松懷遠鳳陽並臨淮鄉鳳臺靈璧泗州並舊虹潛山盱眙等二十三州縣及屯坐各衛災民災軍各按照成災分數照例分別給賑其坍塌瓦屋草房著俟勘明照例辦理又例不給賑之桐城縣六分災十八保次貧宿松縣六分災六莊次貧懷甯縣五分災八保貧民鳳陽縣五分災八保貧民泗州五分災五十三保貧民潛山縣五分災二十七保貧民盱眙縣五分災六十保貧民懷遠縣勘不成災三十五保貧民靈璧縣勘不成災三十一里集貧民全椒縣勘不成災五十五圩貧民宿州勘不成災二十集貧民天長縣勘不成災二十三鎮貧民建德縣勘不成災七保貧民青陽縣勘不成災十八十九兩都並二十一都內三甲等八處二十三都內五

甲等九處貧民太湖縣勘不成災田祥甫等五保貧民同屯坐各衛乏食貧民俱著於隆冬賞給一月口糧其成災之無爲巢縣廬江和州含山五河當塗蕪湖繁昌貴池銅陵東流桐城望江懷甯宿松懷遠鳳陽並臨淮鄉鳳臺靈璧泗州並舊虹潛山盱眙等二十三州縣並屯坐各衛民屯田地蘆洲及馬學囚藉更名場租等項應徵本年民衛丁驛屯折本色米麥豆折蘆課省外衛等項錢糧著查照成災分數按分蠲免又無爲等二十三州縣並屯坐各衛應徵本年漕糧漕項銀米均照地丁錢糧之例一律按分蠲免

十二年正月

上諭上年安徽省懷甯等州縣衛被水被旱業經降旨分別蠲

續修廬州府志

卷首

十一

徵撫卹小民自可無虞乏食惟念今春青黃不接之時無力貧民仍恐餬口無資著加恩將成災六七八九分之懷甯桐城宿松望江貴池銅陵東流當塗蕪湖繁昌無爲廬江巢縣鳳陽懷遠靈璧鳳臺泗州五河和州含山等二十一州縣並屯坐各衛極次貧民展賑一月又懷甯縣成災五分八保鳳陽縣成災五分八保盱眙縣成災五分六保泗州成災五分五十三保貧民桐城縣成災六分十八保次貧宿松縣成災六分六莊次貧蕪湖縣成災六分三圩次貧和州成災六分五都次貧含山縣成災六分四都次貧及勘不成災之青陽縣十八都十九都及二十一都內三五九等甲二十三都內五十等甲建德縣七保蕪湖縣二十三圩鳳陽縣二十三

保懷遠縣三十五村保靈璧縣三十一里集鳳臺縣地震四
保天長縣二十三鎮全椒縣五十五圩壽州靈角觜等二十
八保各貧民並屯坐各衛饑軍並著加賞一月口糧各衛饑
軍並貧生兵屬悉照正賑之例辦理

十九年十月

上諭安徽省被水被旱成災五六七八分之望江東流銅陵五
河桐城無爲泗州貴池等八州縣及屯坐各衛災民災軍著
准其按照成災分數照例分別給賑其坍塌瓦房草屋著卽
勘明辦理又例不給賑之望江縣六分災土岡等二圖寺次
貧東流縣六分災青板湖東等十二保次貧無爲州六分災
無一等十七里一百六圩十七冲汊次貧同五分災襄一等

續修廬州府志

卷首

三

六里一百四十圩二十五冲汊貧民貴池縣六分災東一等
十五保暨三十八洲次貧同五分災在一等八保貧民銅陵
縣六分災合二等者共二十一圩次貧泗州五分災大莊等
三十七保貧民桐城縣六分災周施青等四十九保次貧懷
甯縣勘不成災鄔家圩等十八保貧民宿松縣勘不成災被
水較重次重之小姑龍湖等十六莊貧民當塗縣勘不成災
被水最重次重之范家十里牌等二百三十六圩埠貧民蕪
湖縣勘不成災被水最重次重之永定圩卞家垸等四十七
圩埠貧民繁昌縣勘不成災被水較重之永豐等五十二圩
埠貧民和州勘不成災被水較重次重之二十三等都共十
七都二坊貧民含山縣勘不成災被水較重之四六等都雙

城等三十七圩貧民以及屯坐各衛貧軍均著於隆冬賞給一月口糧以資接濟所有成災之望江東流銅陵五河桐城無爲泗州貴池宿州靈璧等十州縣並屯坐各衛應徵本年民衛丁驛屯折本色米麥豆折魚蘆課省外屯衛馬學囚藉更名場牧圩餘羣場等項錢糧著照成災分數按分蠲免又望江等十州縣並屯坐各衛應徵本年漕糧漕項銀米著照地丁錢糧之例按分蠲免

二十年正月

上諭上年安徽省望江等州縣被水被旱業經降旨分別蠲緩給賑並賞給口糧小民自可無虞失所惟念今春青黃不接之時民力未免拮据加恩著將成災六七八分之望江東流

續修廬州府志

卷首

三

銅陵五河無爲泗州貴池等七州縣及屯坐各衛極次貧民俱展賑一月又望江縣六分災土岡二圖寺次貧東流縣六分災青板湖東等十二保次貧無爲州六分災無一等十七里一百六圩十七沖泖次貧同五分災襄一等六里一百四十圩二十五沖泖貧民貴池縣六分災東一等十五保暨三十八洲次貧同五分災在一等八保貧民銅陵縣六分災合二等耆共二十一圩次貧泗州五分災大莊等三十七保貧民宿州五分災時南集等九十四集靈璧縣五分災定陵等四十三里集暨勘不成災南西蘆等三十四里集懷甯縣勘不成災鄔家圩等十八保當塗縣勘不成災范家東埠十里牌等一百三十六圩埭蕪湖縣勘不成災卞家埭等四十七

圩埠繁昌縣勘不成災永豐等五十二圩埠鳳陽縣勘不成災沫河口等六十五保懷遠縣勘不成災上下洪等四十七村保鳳臺縣勘不成災東子金等四十九保各貧民均著賞給一月口糧各衛饑軍並貧生兵屬悉照正賑例一律辦理

十月

上諭本年安徽省東流縣被水較重之香口等十一保並張高保及次重之瓦礫橋等二十五保貧民貧軍含山縣被水較重之湘城等六十九圩貧民著於隆冬賞給一月口糧其東流五河二縣本年應徵新舊錢糧各項銀米著通境全緩甯國縣之南鄉二十四都西鄉二十五五六七八暨三十三十一等都並二十八都一二箇三十二都一二箇本年新賦銀米

續修廬州府志

卷首

十四

徵入緩二其應徵舊欠同懷甯桐城潛山太湖宿松望江宣城南陵貴池青陽銅陵建德當塗蕪湖繁昌無爲合肥廬江巢縣壽州宿州鳳陽懷遠定遠靈璧鳳臺阜陽潁上霍邱泗州盱眙天長滁州全椒來安和州含山建平等二十八州縣並屯坐宣州安慶建陽廬州鳳陽長淮泗州等七衛被水受旱田地應徵本年新賦並十九年以前民衛丁田驛站魚課省外屯衛南屯米麥豆折漕糧漕項壓徵蘆課屯糧補軍襍辦馬學義囚藉等租更名河帑圩餘災借驛站俸工等款銀米均著緩至二十一年秋後啟徵

二十一年十月

上諭安徽省被災五六七八九分各州縣除桐城業經勸捐散

放無須給賑外其望江無爲銅陵當塗蕪湖繁昌東流鳳臺
太和五河靈璧泗州等十二州縣及屯坐各衛災民饑軍著
按照成災分數查明極貧次貧照例分別給賑坍塌瓦房草
屋照例分別辦理其成災五六分及勘不成災例不給賑之
各州縣內無爲州外二等八里一里六圩灘垣次貧銅陵縣
車橋等二圩次貧靈璧縣雙一等二十九里集次貧泗州泗
虹臨淮等六十七保貧民太和縣十八里舖五保貧民鳳臺
縣劉家巷等二十五集貧民東流縣瓦礫橋等二十五保貧
民和州十都等二十八都二坊貧民懷甯縣卹家圩等二十
六保貧民鳳陽縣沫河口等六十八保貧民懷遠縣上下洪
等四十八村保貧民含山縣湘城等一百四圩貧民貴池縣
續修廬州府志 卷首 五

東一等十五保牛頭等三十八洲貧民宿松縣小姑等十四
莊貧民以及屯坐各衛貧軍亦著於隆冬賞給一月口糧其
成災之望江無爲銅陵當塗蕪湖繁昌東流鳳臺太和五河
靈璧桐城泗州等十三州縣並屯坐各衛應徵本年民衛丁
驛屯折本色米麥豆折魚蘆課省外屯衛馬學囚藉更名場
牧圩餘羣厰等項錢糧著查照成災分數按分蠲免又成災
之望江十三州縣並屯坐各衛應徵本年漕糧漕項銀米內
當塗縣應徵本年山鄉熟田漕項錢糧著緩至來年麥熟後
啟徵餘俱著照地丁錢糧之例一律按分蠲免

二十二年正月

上諭上年安徽省懷甯等州縣衛被水被旱業經降旨分別蠲

緩並賞給口糧小民自可無虞失所惟念今春青黃不接之時民力未免拮据著加恩將成災六七八九分之望江銅陵東流當塗蕪湖繁昌無爲靈璧鳳臺太和五河並桐城等十二州縣暨屯坐各衛極次貧民分別展限給賑一月又銅陵縣六分災車橋等二圩次貧桐城縣六分災湯家溝等五十七保次貧同五分災橫埠河等四十九保貧民當塗縣六分災白石岡等四十八圩埠次貧蕪湖縣六分災政和等四十七圩埠次貧繁昌縣六分災圓埠等五十二圩埠並錦衛等四十四洲次貧無爲州六分災外二等八里一百六圩灘垣次貧靈璧縣六分災雙一等二十九里集次貧東流縣五分災瓦礫橋二十五保鳳臺縣五分災劉家巷等二十五集懷續修廬州府志

卷首

六

甯縣勘不成災鄔家圩等二十六保和州勘不成災十都等二十八都二坊鳳陽縣勘不成災沫河口等六十八保懷遠縣勘不成災上下洪等四十八村保含山縣勘不成災湘城等一百四圩貴池縣勘不成災東一等十五保牛頭等三十三入洲嶺松縣勘不成災小姑等十四莊廬江縣勘不成災正武等四十六集亳州勘不成災卞家舖等二十八保又被水較輕五十一保全椒縣勘不成災王圩等三十三圩各貧民均賞給一月口糧以資接濟各衛饑軍貧生兵屬悉照正賑之例一律辦理

二十八年十月

上諭安徽省被水成災五六七八九分之無爲當塗和州嶺松

望江銅陵蕪湖繁昌五河懷甯貴池東流桐城靈璧鳳陽宿
州等十六州縣並屯坐各衛災民饑軍及泗州衛坐落江蘇
高郵寶應二州縣屯田成災九分十分饑軍著按照成災分
數照例分別給賑坍塌瓦房草屋照例分別辦理其例不給
賑之和州六分災七八等六都次貧當塗縣六分災洲地次
貧懷甯縣五分災集賢關等十四保貧民五河縣六分災在
一里等五保次貧貴池縣五分災上一保貧民東流縣五分
災青歷塘等十保貧民桐城縣六分災壽龍山等五十保次
貧靈璧縣六分災新馬等五十四集次貧鳳陽縣六分災大
王廟等四十二保次貧及五分災蘇關廂等十八保貧民宿
州五分災時北集等九十四集貧民蕪湖縣勘不成災上周
續修廬州府志

卷首

七

皋等十九圩埠貧民巢縣勘不成災安城等八十七圩貧民
懷遠縣勘不成災學前上下洪等四十村保貧民含山縣勘
不成災草灘等一百十六圩貧民以及屯坐各衛貧軍均著
於隆冬賞給一月口糧以資接濟其成災之無爲當塗和州
宿松望江銅陵蕪湖繁昌五河懷甯貴池東流桐城靈璧鳳
陽宿州等十六州縣並屯坐各衛應徵本年民衛丁漕驛站
外衛屯折米麥豆折蘆課省外衛馬學囚籍更名場牧圩餘
等項銀米著照成災分數按分蠲免

二十九年正月

上諭上年安徽懷甯等州縣被水成災業經分別蠲緩賑撫小
民諒可無虞失所惟念今春青黃不接之時民力未免拮据

加恩著將成災六七八九十分之懷甯桐城宿松望江貴池
銅陵東流當塗蕪湖繁昌無爲鳳陽靈璧五河和州等十五
州縣並屯坐各衛暨泗州衛坐落下江高郵寶應二州縣成
災七八九十分極次貧民及成災六分之極貧均於今春展
賑一月又例不給賑成災六分之和州七八等六都次貧當
塗縣六分災洲地次貧五河縣在一里等五保次貧桐城縣
壽龍山等五十保次貧靈璧縣新馬等五十四里集次貧鳳
陽縣大王廟等四十二保次貧及五分災之鳳陽縣蘇關廂
等十八保懷甯縣集賢關等十四保東流縣青厯塘等十保
宿州時北集等九十四集並勘不成災之巢縣安城等八十
七圩懷遠縣學前上下洪等四十村保含山縣草灘等一百
續修廬州府志

卷首

文

十六圩廬江縣缺口等三十保各貧民均著賞給一月口糧
各衛饑軍並貧生兵屬悉照正賑之例一律辦理

十月

上諭本年安徽被水成災五六七八九十分之懷甯銅陵和州望
江貴池宿松無爲蕪湖東流當塗桐城繁昌五河宣城含山
南陵廬江鳳陽等十八州縣並屯坐各衛災民饑軍著按照
成災分數照例分別給賑坍塌房屋照例辦理其例不給賑
之懷甯縣五分災司馬廟下等五保貧民桐城縣六分災柳
子寺等二十二保次貧望江縣五分災法華一寺貧民貴池
縣五分災上一保貧民和州六分災七都等五都次貧同勘
不成災二九兩都貧民含山縣六分災東一等都楊家等五

十二圩灘三鎮次貧又五分災十四等都蒔所等十三圩灘同勘不成災在市等三都貧民鳳陽縣六分災鳳邑大王廟臨鄉近城等四十二保次貧五分災鳳邑蘇關廂臨鄉楊家集等十八保貧民廬江縣成災六分缺口等八保次貧五分災東關等十五保同勘不成災羅昌河等九保貧民南陵縣成災六分中林都等五十六圩次貧同五分災朱家壩等二十一圩貧民宣城縣成災六分王福等八十三圩次貧同五分災隆興等二十二圩貧民五河縣成災六分在一等七保次貧巢縣勘不成災八十七圩五十四灘墾堰田貧民以及屯坐各衛貧軍均著於隆冬賞給一月口糧以資接濟其成災之懷甯銅陵和州望江貴池宿松無爲蕪湖東流當塗桐續修廬州府志

卷首

九

城繁昌五河宣城含山南陵廬江鳳陽等十八州縣並屯坐各衛應徵本年民衛丁漕驛站外衛屯折米麥豆折蘆課省外衛馬學囚藉更名場牧圩餘等項銀米著照成災分數按分蠲免

三十年十月

上諭本年安徽安慶等府州屬所有勘不成災之懷甯桐城潛山太湖宿松望江貴池青陽銅陵建德東流當塗蕪湖繁昌無爲合肥舒城廬江巢縣宿州鳳陽懷遠定遠靈璧壽州鳳臺潁上霍邱霍山泗州盱眙天長五河全椒和州含山建平等三十七州縣並屯坐安慶建陽廬州鳳陽長淮泗州等六衛被水受旱田地應徵新舊錢漕各項銀米著一律分別緩

帶以紓民力用副朕軫念歉區至意

咸豐三年二月

旨准安徽巡撫周天爵所奏改建省會於廬州府改安慶省爲
府城駐總兵一員

六年十一月

上諭安徽廬鳳潁被災被擾輕重各州縣著卽動用賑濟銀二
萬兩採買米石減價出糶以濟民食其酌撥銀數卽照該撫
所議分給責成藩司廬鳳潁道分別督辦如有地方殷富捐
資助賑著准其查照向來捐輸章程核給獎敘餘銀三萬兩
准其暫行封儲以備來春青黃不接之需餘著照所議辦理

十二月

續修廬州府志

卷首

三

上諭安徽鳳潁等府州縣衛所有成災五六分之定遠五河天
長三縣及屯坐各衛應徵本年民衛丁漕租等銀漕兵等米
著照例按分蠲免其津貼銀兩上年蠲贖初限銀米明年上
忙新賦節年蠲贖緩帶銀米災借俸廉舊欠津銀同成災之
合肥舒城廬江三縣來年上忙三年以前舊欠銀米積欠津
銀著一併緩至咸豐七年麥熟秋後分別啟徵附近成熟村
莊應徵本年及以前未完舊欠次年上忙新賦並著照成案
緩至明年秋季徵收勘不成災之潁上懷遠鳳陽並臨淮鄉
鳳臺阜陽霍邱壽州六安霍山泗州並舊虹盱眙滁全椒
來安等十四州縣與屯坐各衛新漕銀米通境全緩太和靈
璧二縣並屯衛被旱被蝗田地本年新賦節年熟田及蠲贖

錢漕各款銀米靈璧縣馬溝舖二十里集新舊漕月米石同
含山縣被旱被擾應徵新賦舊欠均著緩至咸豐七年麥熟
秋後啟徵至該州縣衛應徵本年漕糧漕項各按災屬丁地
一律蠲緩辦理漕項津貼銀兩著緩至來年麥熟後開徵漕
糧米石著緩至來年秋成後開徵以紓民力

七年八月

上諭安徽被災尤重之合肥舒城鳳陽定遠懷遠鳳臺穎上蒙
城亳州等九州縣地丁錢糧前經降旨俟啟徵時減收一成
以紓民力所有該州縣應完漕米並著加恩減徵一成仍以
一年爲限以示體卹其屯坐合肥鳳陽定遠懷遠蒙城五縣
境內各衛均著一律辦理

續修廬州府志

卷首

三

十一年十二月

上諭有人奏咸豐三年賊陷安慶並未據守自周天爵等奏請
改建省會於廬州賊窺安慶無備始圖占踞遂至全皖糜爛
查安慶古稱重鎮若省會改於廬州非惟於皖南鞭長莫及
亦距江較遠無從設防今幸安慶克復應將安徽省城仍建
該府並宜添設提督統轄水陸各營其江西九江鎮卽就近
歸新設安徽提督節制查福建廣東兩省均設有水陸提督
現在江防較海防喫緊可否於該二省內裁併一缺移設安
慶則兵餉均無須另籌等語賊匪據有長江之險以致江皖
糜爛現在安慶克復亟應整頓關防所稱安徽省城仍應建
於安慶巡撫藩臬如前駐劄並設立提督統轄水陸官兵九

江鎮並歸節制則聲勢聯絡江防更爲周密均不爲無見卽著曾國藩彭玉麟毓科就現在地方軍務情形悉心籌畫會同妥議具奏至所請於福建等省裁缺以資移設之處應俟該大臣等覆奏再降諭旨欽此

同治元年二月

上諭曾國藩等奏遵議安徽省城仍建安慶並專設長江水師提督及總兵以下各官等語著議政王軍機大臣會同該部議奏

四年正月

上諭曾國藩喬松年奏查明安徽省被擾各州縣應徵錢糧襍稅懇請蠲免一摺安徽省城用兵十餘年各屬被害甚重現續修廬州府志

卷首

三

雖全境次第克復而戶口流亡田地荒蕪耕種失時若僅照克復年分豁免錢糧小民元氣未復新賦積欠均尙難於輸納加恩著照所請除咸豐九年以前安徽省民欠錢糧漕米已降旨豁免外所有廣德建平甯國三州縣咸豐十年起至同治三年止績溪旌德太平宣城南陵涇縣青陽石埭八縣自咸豐十年起至同治四年止鳳陽並臨淮鄉懷遠壽州鳳臺潁上霍邱滁州全椒來安盱眙天長東流歙縣黟縣貴池建德十六州縣自咸豐十年起至同治三年止懷遠桐城潛山太湖宿松望江休甯祁門銅陵當塗蕪湖繁昌合肥無爲舒城廬江巢縣定遠宿州五河和州含山六安英山霍山二十五州縣自咸豐十年起至同治二年止婺源阜陽太和泗

州並舊虹鄉靈壁五州縣自咸豐十年起至同治元年止一
應民欠正襍錢糧銀米商牙魚襍各稅歷徵蘆課各項官租
著概行蠲免亳州蒙城二州縣自咸豐十年起至同治元年
止民欠錢漕著一併補行豁免安慶新安宣州建陽廬州鳳
陽滁州泗州長淮各衛錢糧銀米亦與屯坐州縣一律照辦
內有津貼一項著一併按年豁除以紓民力

五年十月

上諭李鴻章英翰奏安徽省本年被災尤重各屬緩徵錢糧開
單懇恩續予豁免一摺安徽省各屬地方前被賊匪蹂躪元
氣猶未全復本年山河淮湖盛漲皖北水災爲從來罕見皖
南甯池兩屬蛟水陡發沖沒田廬被災極重若將因災遞緩

續修廬州府志

卷首

三

舊欠錢糧照常帶徵民力未免拮据加恩著照所請所有單
開之壽州鳳陽懷遠鳳臺亳州蒙城盱眙滁州全椒來安十
州縣均著豁免同治四五兩年各款銀米旌德太平兩縣著
將本年錢漕均予豁免甯桐城潛山太湖宿松望江休甯
祁門銅陵當塗蕪湖繁昌無爲合肥舒城廬江巢縣定遠六
安和州含山二十一州縣均著豁免同治三四兩年舊欠荒
緩銀米含山縣本年帶徵舊欠除已完銀兩外其未經徵完
各款著一併豁免宿州五河兩州縣均著豁免同治三四五
等年未完荒緩各款銀米歙縣黟縣貴池建德東流潁上霍
邱英山霍山天長十縣均著豁免同治四年荒緩各款銀米
績溪宣城南陵涇縣青陽石埭六縣本年錢糧除已完銀兩

外著均予豁免以紓民力

八年十一月

上諭英翰奏查明被災州縣請將原緩錢糧懇恩蠲免一摺安徽沿江各屬本年夏秋間江湖汎漲圩壩沖潰小民蕩析離居情形困苦若將舊緩錢糧照常帶徵民力實有未逮加恩著照所請所有無爲當塗銅陵望江東流蕪湖繁昌和州含山懷甯桐城宿松南陵貴池青陽合肥巢縣等十七州縣同坐落該十七州縣境內各衛屯田同治五、六、七等三年未完荒緩各款銀米並一應正雜錢糧商牙魚課各稅壓徵蘆課馬學囚藉各項官租均著照所請年限一併蠲免以紓民力

九年十二月

續修廬州府志

卷首

三

上諭英翰奏查明安徽各屬被災情形開單懇請分別緩徵漕糧一摺安徽五河等州縣本年被水被旱被風被蟲收成歉薄若將應徵新舊漕米照常徵收民力實有未逮加恩著照所請所有五河泗州之舊虹新漕及宣城泗州之舊虹二州縣同治八年災緩舊欠並無爲東流銅陵懷遠定遠壽州宿州靈璧鳳臺巢縣蒙城潁上桐城望江宿松合肥亳州霍邱渦陽懷甯盱眙天長太和潛山南陵貴池繁昌建德蕪湖舒城廬江太湖阜陽當塗青陽等三十五州縣歉收田地新舊漕糧暨舒城縣同治八年災緩宣城縣歷年緩徵舊欠漕米均著緩至同治十年秋後分別啟徵以紓民力

十年十一月

上諭英翰奏查明各屬秋禾被災情形酌擬徵緩錢糧一摺安徽本年入夏以來各屬田禾受旱並被淹被蟲被風若將錢糧照常徵收民力實有未逮加恩著照所請所有被水情形較重之泗州並舊虹鄉同五河懷遠靈璧盱眙建德鳳陽並臨淮鄉定遠鳳臺壽州天長懷甯桐城霍邱潛山宿松南陵東流蕪湖繁昌廬江巢縣宿州合肥當塗貴池青陽無爲阜陽等勘不成災二十八州縣著將本年丁漕等款銀米別熟徵收內宿松縣魚課商稅學藉囚租及上忙丁漕銀兩照額完納天長縣雜辦秋糧銀兩及不在丁田之馬廠等款錢糧照常徵收外其餘各州縣歉收田地應完民衛新舊丁漕驛站南屯米麥豆折雜辦等款本色兵屯漕南等米馬學藉囚

續修廬州府志

卷首

五

等租漁蘆等課及有收堡內之歷年舊欠同南陵縣漁潭門攤等項學藉各項官租青陽縣蘆課學藉囚租宣城縣雜辦銀兩太湖望江宣城銅陵舒城太和和州含山等州縣舊欠原緩錢漕潁上亳州蒙城渦陽八年以前原緩錢漕均著緩至來年麥熟秋成後察看情形分別帶徵各衛屯田照坐落州縣民田分別徵緩沿江之懷甯桐城宿松望江銅陵當塗蕪湖繁昌無爲和州含山等十一州縣同治八年被水冲潰圩壩借動正項興修以工代賑本年應行攤徵初限銀兩均隨各該州縣丁漕分別徵緩其懷甯等各州縣及屯坐各衛應徵應緩漕項漕糧等款銀米著照各屬地丁徵緩情形及漕糧專案辦理所緩漕項銀兩至同治十一年麥熟後啟徵

所緩漕糧米石至同治十一年秋後啟徵以紓民力

十二年十一月

上諭英翰奏查明各屬秋禾歉收情形請分別徵緩漕糧一摺
安徽本年入夏以來各屬田禾被水被旱被風被蟲若將漕
糧照常徵收民力實有未逮加恩著照所請所有被水被旱
較重之天長泗州舊虹鄉通境新舊漕糧同勘不成災之定
遠霍邱盱眙五河壽州懷遠靈璧鳳臺廣德巢縣無爲合肥
廬江阜陽潁上潛山太湖桐城貴池建德宿州宿松銅陵東
流繁昌懷甯當塗等二十七州縣歉收田地新舊漕糧及望
江青陽蕪湖亳州太和渦陽建平宣城南陵舒城等十州縣
歷年舊欠緩徵漕米均著分別緩徵以紓民力

續修廬州府志

卷首

三

十三年十月

上諭本年十月初十日恭逢

慈禧端佑康頤皇太后四旬萬壽普天同慶已將京外大員查
明現有老親年屆八十以上者優加賞賚因思大學士直隸
總督一等肅毅伯李鴻章湖廣總督李瀚章之母教子有方
均能爲國宣勞重膺疆寄李鴻章削平巨憝勳績尤多朕心
甚爲嘉悅其母年近八旬祿養承歡康強逢吉允宜特沛恩
施著賞給御書匾額一面紫壇三鑲玉如意一柄大卷江綢
袍褂料二匹大卷八絲緞袍褂料二匹以示錫類推恩闔澤
覃敷至意欽此

十一月

上諭裕祿奏查明各屬秋禾歉收情形請分別徵緩漕糧一摺
安徽本年入夏以來各屬田禾被水被旱被風被蟲收成歉
薄若將應徵漕糧照常徵收民力實有未逮加恩著照所請
所有被水較重之泗州舊虹鄉通境新舊漕糧同勘不成災
之靈璧渦陽霍邱盱眙鳳臺天長定遠壽州懷遠無爲合肥
五河潁上廬江亳州潛山當塗宿州巢縣蕪湖繁昌銅陵貴
池宿松東流阜陽懷宿等二十七州縣歉收田地新舊漕糧
及青陽建德廣德建平南陵太湖桐城旌德等八州縣歷年
舊欠漕米著分別緩徵以紓民力

光緒元年十一月

上諭裕祿奏查明各屬秋禾歉收請分別徵緩漕糧一摺安

續修廬州府志

卷首

三

徽本年所有被水被旱較重之泗州舊虹鄉通境新舊漕
糧同勘不成災之懷遠桐城宿松無爲壽州靈璧鳳臺霍
邱渦陽盱眙天長南陵貴池建德東流廬江太湖蕪湖潁
上望江合肥宿州定遠五河潛山青陽銅陵繁昌當塗巢
縣阜陽宣城舒城亳州懷甯等三十五州縣歉收田地新
舊漕糧及太和建平二縣同治十三年熟田尾欠漕米同
廣德州十二年災緩及歷年舊欠漕糧著分別緩徵以紓
民力

五年浙江巡撫劉秉璋之母胡氏壽八十八歲五世同
堂奉

旨頒賞銀緞並賜恩榮篤祐匾額

八年三月初二日

上諭李鴻章奏母病日久未愈請賞假省視一摺披覽所奏情詞懇切塵系殊深不得不俯如所請李鴻章著賞假一箇月前往湖北省視假滿後迅卽回任並賞伊母人蔭入兩俸資調理

三月初九日

上諭大學士直隸總督李鴻章湖廣總督李瀚章之母秉性淑慎教子義方今以疾終深堪軫惻朝廷優禮大臣推恩賢母靈櫬回籍時著沿途地方官妥爲照料到籍後賜祭一壇以昭恩眷

十一月

續修廬州府志

卷首

三

上諭裕祿奏查明安徽各屬秋禾歉收情形酌擬蠲緩錢糧一摺安徽潛山等州縣本年被水甚重並有被旱被風被蟲之處秋禾均屬歉收若將新舊錢糧照常徵收民力實有未逮加恩著照所請所有潛山英山宿松三縣通境田地內被水各保衝壓最重之田應完本年丁漕銀米著悉予蠲免其餘田畝與同被水患村保甚廣之太湖望江蕪湖繁昌無爲和州等六州縣通境新舊民衛各款錢糧銀米暨被水受旱情形輕重不等之泗州并舊虹鄉懷甯桐城歙縣婺源祁門績溪宣城甯國南陵旌德貴池青陽銅陵建德東流當塗合肥巢縣廬江鳳陽並臨淮鄉宿州壽州鳳臺懷遠定遠靈璧阜陽潁上渦陽亳州霍邱霍山五

河盱眙天長滁州全椒來安含山等四十州縣被水被旱被風被蟲各保歉收田地應完民衛新舊丁漕驛站省外衛南屯米麥豆折雜辦等款本色兵屯漕南等米馬學藉囚等租漁蘆等課及有收保內之歷年舊欠暨青陽縣學藉囚租甯國縣馬學等租宣城縣馬藉囚租南陵縣漁課門攤學藉旌德縣囚田等租除上忙已完外均著緩至光緒九年麥熟秋成後察看再行收徵其泗州等四十州縣有收田地應完本年丁漕等款銀米仍照常徵收內婺源甯國二縣別熟帶徵舊欠鳳臺五河二縣別熟帶徵上年未完熟欠旌德縣別熟帶徵光緒六七兩年熟田未完祁門績溪潁上霍邱來安五縣別熟帶徵節年舊欠霍山縣

收學各租照額全徵宿松縣漁課商稅望江縣漁課天長縣馬廩等款及秋糧銀兩均照常徵收新安滁州二衛應徵本年成熟新賦亦照常徵收其餘各衛屯田情形著照坐落州縣民田分別徵緩至懷甯桐城宿松望江銅陵當塗蕪湖繁昌無爲和州含山等十一州縣前於同治八年借項修圩案內攤徵之款現因帶徵各限災熟圩工銀兩均著遞緩又光緒五年宿松無爲和州三州縣借修各圩堤應行攤徵歸款銀兩宿松無爲二州縣尙有應徵三限及未完初二兩限災熟銀兩同和州未完初二兩限舊欠銀兩並著遞緩懷甯等州縣及屯坐各衛應徵應緩漕項漕糧等款銀米著照各屬地丁徵緩情形及漕糧專案辦

理所緩漕項銀兩至光緒九年麥熟後啟徵所緩漕糧米石至光緒九年秋後啟徵以紓民力該撫卽刊刻謄黃徧行曉諭務使實惠均霑母任吏胥舞弊用副軫念民艱至意餘著照所議辦理

十年八月

上諭朕敬奉

慈禧端佑康頤昭豫莊誠皇太后垂簾訓政仰見

深宮旰食宵衣屢念民艱無時或釋祇承

懿訓緩征蠲賦疊沛恩綸所願溥海蒼黎咸登康樂上慰

慈懷因念各省民欠錢糧自光緒元年降旨蠲免計期已逾十

稔本年恭逢

續修廬州府志

卷首

三

皇太后五旬萬壽仰惟

福佑普被寰區率土臣民同深歡忭允宜推廣

仁恩覃敷闕澤所有各省節年正耗民欠錢糧及因災緩徵帶

徵銀穀並借給籽種口糧牛具及漕項蘆課學租雜稅等項著各該督撫將軍府尹等將光緒五年以前實欠在民者詳晰查明該省所屬某州某縣銀穀若干速行開單具奏候朕降旨全行蠲免並著先將此旨刊刻謄黃徧行曉諭城鄉村鎮咸使聞知無任官吏胥役影射侵漁以期膏澤下究用副朕延

釐錫羨子惠元元至意

十月

上諭本年恭遇

慈禧端佑康頤昭豫莊誠皇太后五旬萬壽業將京外大員查明現有老親年屆八十以上者優加賞賚茲據李鴻章奏稱湖南提督周盛傳之母栗氏現在年逾九旬祿養承恩精神強固洵屬熙朝人瑞加恩著賞給御書匾額一面紫檀三鑲玉如意一柄小卷江綢袍褂料二件小卷八絲緞袍褂料二件用示錫類推恩至意欽此

十一年四月

上諭李鴻章奏命婦五世同堂懇恩旌賞一摺記名提督前任甘肅涼州鎮總兵周盛波湖南提督周盛傳之母栗氏年逾九旬親見七代五世同堂洵爲熙朝人瑞加恩著賞續修廬州府志

卷首

三

給御書匾額一方頒發祇領以示殊榮所有例應旌賞之處仍著禮部核議具奏

